



# Eamibáikenamaid riikkaidgaskasaš konferánsa 2010

## Nubbi bovdehus doallat sáhkavuoruid

Eamibáikenamat leat leamaš anus miehta máilmmi prekoloniála servodagain. Olbmot iešgudege guovlluin áŋgiruššet oažžut eamibáikenamaid fas ruovttoluotta guovddáži daningo daid mearkašupmi lea nu dehálaš eamiálbmogiid rivttiid nannemis, gielaide revitaliseremis, kultuvrralaš identitehta doalaheamis ja eamiálbmogiid njálmmálaš árbevrrui gullevaš ekologalaš ipmárdusa oahpaheamis.

### Konferánsabáiki:

Sámi allaskuvla lágida vuosttaš Eamibáikenamaid riikkaidgaskasaš konferánsa (ICIPN) ja bovde dutkiid geat barget eamibáikenamaiguin, searvat dán vuosttaš fágaidrasttideaddji konferánsii.

Áigi: 3.-8.9.2010

Báiki: Sámi allaskuvla, Guovdageidnu

Oassálastinmávssut: 2000 NOK (ovdal 31.3.2010)

2200 NOK (1.4.-30.5.2010)

1500 NOK (studeanttat; gitta 30.5. rádjai)



Guovdageidnu, Norway

### Konferánsa áigge:

- Virggálaš gielat leat davvisámeigiella ja eangalsgiella; simultána dulkon
- Váldologaldallit leat Sámis, Kalaallit Nunaatas (Ruonáeatnamis), Afrihkás, Pacific sulluin ja Gaska-Amerihkás
- Eaminamaid girjjálašvuoda ja posteriid čájáhusat, eamibáikenamaid diehtovuorkkáid čájeheamit
- Kultuvrralaš doalut: eamiálbmogiid filmmat, dáidda- ja duodjemárkanat, eamiálbmot kulturdoalut
- Eaktodáhtolaš ekskuršuvdna Mázii ja Čávžui

### Sáhkavuoruid fáttát:

Vuosttaš eamibáikenamaid konferánsa deattuha proseassaid mat leat dárbbaslaččat vai eamibáikenamat dohkkehuvvojit politihkalaččat. Dán prosessii čatnasit mánggat perspektiivvat ja danin dán konferánsii heivvolaš sáhkavuorut sáhttet gullat čuovvovaš fáttáide: eamiálbmogiid gielat, kultuvrralaš geavadat, ealáhusat, resursaatnu, eanadagaid klassifiseren, oahpahanproseassat, dutkanmetodat ja tehnikkalaš ovdáneapmi. Geahča dárkileappot konferánsa fáttáid birra neahttasiiddus [www.icipn2010.no](http://www.icipn2010.no): Konferánsa fáttát.

### Rávvagat sáhkavuoruide:

Oktiigeasut čállojuvvojit juogo eangalsgillii dahje sáme- ja eangalsgillii. **Áigemearri lea 15.5.2010.** Oktiigeasut čállojuvvojit Word 2003 dahje 2007 -prográmmain, eanemustá 250 sáni, bustávasturrodagain 12 ja linnjagaskain 1,5. Oktiigeasut galget leat maid dát dieđut: Sáhkavuoru dahje postera bajilčála, čáli namma, e-boasta, ásašusa namma ja čujuhus. Jus leat mánga čáli, buohkaid oktavuodadieđut galget namuhuvvot. Sáhkavuoruid guhkkodat lea 30 minuhta, mas 20 minuhta rehkenasto sáhkavurrui ja 10 minuhta ságastallamii. Eanet dieđut leat neahttasiiddus [www.icipn2010.no](http://www.icipn2010.no): Sáhkavuorut ja posterat.

### Ruhtajuolludeaddjit:

ICIPN 2010 -konferánsa dieđalaš komitea ja báikkálaš lágidankomitea háliidit giitit čuovvovaš ruhtajuolludeddjiid: Sámi allaskuvla, Norgga Dutkanráđđi, Davviriekkalaš Kulturfoanda, Guovdageidnu suohkan, Finnmárkku fylka, Olgoriikadepartemeanta, Ođasmahttin-, hálddahuš- ja girkodepartemeanta ja Norgga Barents-čállingoddi. Jus du organisašuvdna dahje ásašusa lea beroštuvvan doarjut vuosttaš Eamibáikenamaid riikkaidgaskasaš konferánsa, de sihtat du váldit oktavuoda konferánsa čállingottiin: [icipn2010@samiskhs.no](mailto:icipn2010@samiskhs.no).